



PERDANA  
LEADERSHIP  
FOUNDATION  
Y A Y A S A N  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	UTUSAN MALAYSIA
Date	14 FEBRUARY 2017

## Sekongkol Tun M, DAP jerut diri

UM-14/2/2017

**ALOR SETAR 13 Feb.** - Pemuda UMNO Kedah menyifatkan persetujuan DAP bersekongkol dengan bekas Perdana Menteri, Tun Dr. Mahathir Mohamad akhirnya menjerut diri sendiri apabila empat pemimpin dari Melaka mengumumkan keluar parti semalam.

Ketuanya, Datuk Shaiful Hazizy Zainol Abidin berkata, DAP kini berdepan krisis dalaman parti ekoran kerjasama politik bersama Parti Pribumi Bersatu Malaysia (PPBM) yang ternyata tidak mendapat restu di peringkat akar umbi.

“Tindakan empat wakil rakyat keluar DAP itu membuktikan DAP juga parti yang bermasalah. Jangan anggap mereka tidak bermasalah. Ada dalam kalangan pemimpin DAP yang tidak bersetuju dengan apa yang kepimpinan mereka buat (kerjasama bersama PPBM).

“Itu (empat wakil rakyat keluar parti) menyerlahkan DAP sebenarnya menghadapi masalah dalaman akibat kerjasama dengan PPBM. Nasihat saya kepada DAP, letaklah PPBM di tepi sebelum menjadi punca perpecahan dalaman parti yang lebih teruk,” katanya.

Terdahulu, Shaiful Hazizy meluangkan masa hampir sejam melawat bekas Setiausaha Kerja Pemuda UMNO negeri, Hashim Jaafar, 68, yang menghidap kanser prostat di Kampung Hujung Mergong di sini hari ini.

Dalam pada itu, Shaiful Hazizy mendesak Pas negeri untuk menyatakan pendirian mereka berhubung kata dua yang diberikan Dr. Mahathir berhubung kerjasama politik bersama PPBM yang disifatkan seolah-olah memandang rendah terhadap parti tersebut.